




تاریخ وادستان

جلد ۱۳۳۶

مجموعه کتب خطی
۱۳۳۶

رفتارک ايله ، ايله خجیل سرو عرعرى
 بىت ايله قدر سنبىل وشبو و قهرى
 حیرتده قو بو حسن ايله حورى لغارى
 دىت تىكى حوسه کت، ر سء ض کورى
 غمير ساجىكى چور بوجهانى معطر ایت
 کردونه ایتمه دولت ایچون منت ای کوکل
 ایلر ظهور حکم قدر البت ای کوکل
 چکمه مشقت هوس وصلت ای کوکل
 آب حیات اولما یحق قسمت ای کوکل
 بیٹ ییل کرکسه حضر ايله سیرسکندر ایت
 کوروب بنای چرخى قورولمش دوزن کبی
 آلايشه فایمه صاقین سند، بن کبی
 اول سوزیکک اری (شرف) پر محن کبی
 (زینب) قومیلی زینت دنیا یه زن کبی
 مردانه واری ساده دل اول ترک زیور ایت



اثبات مدعا ایچون تحریف و ثائق !

مؤرخ مستقیم اولق کرکدر نقل و عقلنده
 اوصورت ضبط تاریخ ایتمک اس اساسیدر
 محمود جلال الدین پاشا

تاریخ عثمانی انجمنی مجموعه سنک اوچنجی نسخه سنده عبدالرحمن
 شرف بکک « فوآد پاشا قوناغی نصل مالیه دائرهمسی اولدی » عنوانلی
 مقاله سنک انتشارینی متعاقب بونی توضیح مقصدیله « کامل پاشانک صدارتی

وقوناق مسئله سی « [۱] اسنده باب عالی ولایات ممتازہ و مختارہ قلمی
مدیری ابن الامین محمود کمال بک طرفدن ۳۲۸ تاریخندہ اوتوز ایکی
مخوفه لک برساله جک نشر ایدلمشیدی . موضوعک اهمیت اعتباریله حین
انتشارندہ یالغیر برکوز کوزدیرمکله اکسلا ایتدیکم برکسلا یی رشتادن
برینک اخطاریله اخیراً تدقیق ایتدم . مسئله مک تاریخه تعلقی حسیله نتیجه
تدقیقاتی محترم عثمانلی تاریخ و ادبیات مجموعه سیله نشرینی مناسب کورددم .
رساله ده بر معتاد عریکیرلی یوسف کامل پاشا داستانی تکرار ایدلمش
و صدق و کذبہ احتمالی پک طیمی بر طاقم منقولاندن سوکره تأیید مدعا
ایچون بر طاقم و ثائق کوسترلمشدر . بومیانده صاحب اثر محمود کمال بک
حربیه نظارتندن اوزمان باب عالی یه کوندریلن ییلدیز اوراقک تصنیفه
مأمور اولدقلری صرمدہ تصادف ایتدکلری جودت پاشا مرحومک
بش جلددن متشکل (معروضات) عنوانلی تاریخچه سندن ده برایکی فقره
نقل ایدیور [۲] کامل پاشانک صدارتی وقوناق مسئله سی رساله سنه وثیقه
صورتندہ درج اولنان فقرات ایله بو کون تاریخ عثمانی انجمنده کی
(معروضات) ده کوریلن عبارات اراسنده کی مبیانت اثبات مدعا ایچون
مع التأسف تحریف و ثائق بیله تجویز ایدلمکده اولدیغنی کوسترر براهینددر .
بویله نسخه سی الیوم انجمنده موجود و محفوظ بر ائردن نقل ایدیلن
فقراتی تحریفده بأس کورمینلرک عاطف بک مرحوم کی قائلی رحمت
حقه انتقال ایدن بر ذاتک خاطراتنه وعصمت و حکمت مرحوملرک
مصاحباتنه دائر یازدقلری اثاره نه درجه لرده اعتماد کوسترمک جائز

- [۱] بورساله مک زمان انتشارندہ مرحوم قبریلی کامل پاشا صدارتدن
چکلمش و خاقان اسبق طرفندن اکاده برقوناق اعطاسی ددی قودبسی غزته لر
لسانه دوشمش و خلق رساله یی بوکا عائد ظنیله قاپشمنش ایدی .
- [۲] بومهم تاریخچه مک ۲ و ۳ و ۴ نجی جلدلری مؤخرأ تاریخ عثمانی انجمنه
تودیع ایدلمش ایسه ده اک مهم قسملری محتوی ۱ و ۲ نجی جلدلری مع التأسف
اورته ده قاینامشدر .

وله جفنی تییناً رساله وتاریخچه ده کی فترانی آیری آیری انظار عمومی به
وضع ایدیورم .

« کامل پاشانك صدارتی وقوناق مسئله سی » رساله سنك ۱۴ نجی
تخفیه سندن :

« دات سادیه منسوب سیکریه ایرون پاشا استغفا فؤاد پاشا
ایسه وقت وحاله کوره کچینه بیلک اینچون بودجه موازنه سنی بیوک مظفریت
بیله راک بوکا قصر نظر ایله بیکندن آرزوی شاهانه یه توفیق حرکت ایدمه میوردی .
حال بوکه بعض مغربینك القاتی ایله اوکونلر بعض معروضات کیرو دوندی .
برجوق ایشلر کیرو قالدی ؛ فؤاد پاشا آیتسندن مایوس اولدی وانك اوزرینه
عالی ورشدی وکامل پاشالر ایله لدی المذاکره دردی بردن استغفا ایدوب
قبول اولندی حالده فیها . اولمندیقی تقدیرده البته (اینچون استغفا ایدیورسکز)
دیو طرف شاهانه دن وارد اوله جق سؤاله جواباً (طوتلان اصول چیقاریول
دکلدر . چیقار یول انجق شو وبوصورتلردن عبارتدر . بشقه سنه عتلا رمن
ایرمیور » دینلک رأینی رشدی پاشا درمیان ایدنجه جمله سی بورأیی تصویب
ایتمشله ورجبك اونجی چهارشنبه کیجه سی فؤاد پاشانك قوناغنده بالاجتماع
(الخیر لایؤخر) قاعده سنجه بو قرارك اجراسنی تأکید ایتدکلرندمه رشدی پاشا
(هله بن برکره قبودان پاشایی کورهم اوده بونیتده اولمیدر) کبی سوزلرله
بان چزدی . حال بوکه برکون صکره کرک کندوسنك کرک قبودان پاشانك
عزالری وقوع بولدی . بعده کامل پاشاده دخی اثر تردد کورلکله فؤاد
وعالی پاشالر یالکیز قالمشله وزورینه برآدمی ایلرو سورمك مناسب اولیه جنی
سطالع سیه یالکیز ایکسی استغفا ایتك اوزره قرار ویرمشله . معافیله رابطه سز
بری سرکاره کچوبده کندولرینی بر صدمه یه اوغراتقی احتمالی وکامل پاشا
قالوبده صدارته کچرسه کندولرینی محافظه ایده جکی ملاحظه سنی درپیش ایدرک
اکا استغفا ایتمه سی خصوصنی توصیه ایله انی اندیشه دن بری قیلمشله . رجبك
اون ایکنجی جمعه کونی فؤاد پاشا استعفانامه سنی مابین مایونه تقدیم ایلدی .
اخشامدن صکره مابینجی حسن افندی کلوب استغفاسنك سببی صورددقه « عینیه
استغفامده عرض ایتدیکم کبی ایشك ایلروسی آغردر . ایدیله جک تدابیر جیمه
اعتماد تام ملوکانه یه موقوفدر . بن ایسه بروقتدنبرو حقمده انك سقوط وزوالی

اثارینی کوربورم . چاردهمین استعفا ایتمدم ، دېر جواب وېرمنش حسن افندی . کیدوب کیفینی ذات شاهانه په عرض استدکده در حال الدینی امر اوزرینه کلوب وؤاد پاشان مېر غابونی استرداد اولدی . فرداسی ذات شاهانه شیخ الاسلام محمدالدین افندی بی حاله فؤاد پاشانک استعفا سی اکا آجدقده افندی سیدارته سنوئی پاشایی سونی ایوب بو ایسه خلاف مرضی شاهانه اوله رق بر درجه اغیرار طابع مایونه بادی اولدینی حالده ذات شاهانه ، عالی پاشانک صدارتی درمیان ایتکله محمدالدین افندی (اوده استعفا ایده جکمش) دیدکده ذات شاهانه (اوله برشی کلدی) بیورمسی اوزرینه (احتمال که کلش یا خود کله جکدر) دیمش وفی الواقع یوقلادقده عالی پاشانکده استعفانامه سی کلشده هنوز تقدیم اولنه مامش اولدینی اکلاشلشدر . ذات شاهانه صدراعظم ایله خارجیه ناظرینک بکری عقبنده استعفایرندن اورکمش اولدینی جهتله توجیهاتی تأخیر ایتدیکندن اول کون مقام صدارت خالی قالدی . و فرداسی کامل پاشا صدراعظم اولدی . عالی پاشانک استعفا سی قبول اولمیدینی جهتله مقامده دوام ایله برابر فؤاد پاشاییده مجلس والاریاستنی قبوله تشویق ایلردی . فؤاد پاشا ایسه استعفا ایلردی . بوجهتله مجلس والاریاستی برهفته بوش قالدی . بعده ذات شاهانه فؤاد پاشایی جذب وبالذات اقناع ایله مجلس والاریاستی نصایبتدی . فؤاد و عالی و کامل پاشالر آرمسندگی آرقداشلق اخوت درجه سنده ایکن برنوع رقابتی متضمن اولمشدر . فؤاد پاشا بو دقیقه یی پک اعلی تفهم و تفضل ایتدیکی حالده تفوه ایتزدی لکن اندن صکره کی حرکتی بودقیته توفیق ایده کلشدر .

(معروضات) ده کی عبارت :

« بوجه بالا مصارف عکریه ایچون ذات شاهانه مبالغ کلیه ایستیوب فؤاد پاشا ایسه وقت و حاله کوره کچینه بیلیمک ایچون بودجه نک موازنه سنی بیوک مظفریت بیلهرک بوکا حصر نظر ایلدیکندن آرزوی شاهانه په توفیق حرکت ایده میوردی . حال بوکه بعض مقرینک القایاتی اوزرینه بعض معروضات کیرو دوندی . برچوق ایشلر کیرو قالدی . فؤاد پاشا آتیسندن مایوس اولدی . وعمان عالی ورشدی و کامل پاشالر ایله لیدی المذاکره دردی بردن استعفا ایدوب قبول اولنورسه فیها . اولمیدینی تقدیرده البته (ایچون استعفا ایدیورسکز) دیو وارد اوله جق سؤال پادشاهی په جواباً (طوتلان اصول چیقار یول دکلدر . چیقار یول آنجق شوو بو صورتلردن عبارتدر بشقه سغه عقللرمز ایرمیور) دینلمک

راستی رشدی پاشا در میان ایدنه جله سی بورائی نصیب اینشار رجبك اونجی
 چهارشنبه کیجه سی فوآد پاشانك فوناغنده بالاجتماع (الحیر لایؤخر) قاعده سنجه
 بوقرارك اجرایی تأکید اولندقدده رشدی پاشا (هله بن بر کره قبودان پاشایی
 کوریم اوده بونیتده اولمیدر) کبی سوزلرله یان چزمش حال بوکه کرک
 کندوسنك کرک قبودان پاشانك برکون صکره غنلاری وودعه کلشدر بعده
 کامل پاشاده دخی اثر تردد کورلشله فوآد و عالی پاشالر یالکنز قالمشله وزورپنه
 برآدی ایلرو سورمك مناسب اولیه جنی مطالعه سینه بناء یالکنز ایکیسی استعفا
 ایتك اوزره قرار ویرمشله مع مافیه رابطه سز بری سرکاره کچوبده کندولرینی
 برصدمه یه اوغراتیق احتمالی وکامل پاشا قلوبده صدارته کچرسه ممکن مرتبه
 کندولرینی محافظه ایده چکی ملاحظه سنی درپیش ایدرک اکا کوره استغفا ایتمه سی
 خصوصنی توصیه ایله آتی اندیشه دن بری قیامشله . رجبك اون ایکنجی جمعه
 کونی فوآد پاشا استغفانامه سنی مابین هایونه تقدیم ایلادی . اخشامدن صوکره
 مابینجی حسن افندی کلوب استغفاسنك سینی صوردقدده « عینیه استغفانامه ده
 عرض ایتدیکم کبی ایشك ایلروسی آغردر . ایدیه چك تدابیر جسیمه اعتماد تام
 ماو کانه به موقوفدر . بن ایسه بروقتدنبرو حقیده انك ستوط وزوالی اثارینی
 کوربورم . چاره سز استعفا ایتدم » دیوجواب ویرمش . حسن افندی کیدوب
 کیفیتی ذات شاهانه یه عرض ایله درحال آله دینی امر اوزرینه کلوب فوآد پاشادن
 مهر هایونی استرداد ایلادی . فرداسی ذات شاهانه ، شیخ الاسلام سعدالدین
 افندی بی جلبله فوآد پاشانك استغفاسنی اکا آجدقدده افندی ، صدارته صفوق
 پاشایی سوق ایدوب بوايه خلاف مرضی شاهانه اوله رق بردرجه اغبرار طبع
 هایونه بادی اولدینی حالده ذات شاهانه عالی پاشانك صدارتی در میان ایتکله
 افندی (اوده استعفا ایده چکمش) دیدکده ذات شاهانه (اولیه برشی کلدی)
 دیو بیورمسی اوزرینه (احتمال کلش یاخود کله چکدر) دیمش وفی الواقع
 بوقلاندقدده عالی پاشانك ده استغفانامه سی کلشده هنوز تقدیم اولنه مامش اولدینی
 اکلاشلش . ذات شاهانه صدراعظم ایله خارجیه ناظرینك یکدیگری عقبنده
 استغفالرندن اورکش اولدینی جهتله توجیهاتی تأخیر ایتکله اول کون مقام صدارت
 خالی قالدی . و فرداسی کامل پاشا صدر اعظم اولدی . عالی پاشانك استغفاسی
 قبول اولمیدینی جهتله مقامنه دوام ایله برابر فوآد پاشایی ده مجلس والاریاستنی
 قبوله تشویق ایلردی . فوآد پاشایسه استغفا ایدردی . بوجهتله مجلس والاریاستی .

بر همنه بوش قالدی . بعده ذات شاهانه فوآد پاشایی جلب وبالذات افتناع ایله مجلس والا رئیسى نصبایتدی . بوسورتله فوآد و عالی و کامل پاشالر آره لرنده کی اخوت متضین رفاقت اولمشدر . فوآد پاشا بودقیقه بی شفاهاً افاده ایتمزایسه ده اندن صکره کی حرکاتی بودقیقه به توفیق ایده کلشدر . بعده فوآد پاشا سرعسکر اولهرق اولکیردن زیاده ، قبال و مقبول اولمشدر ،

کامل پاشانک صدارتی وقوناق مسئله سی رساله سندن :
کامل پاشاده عالی پاشانک محرم اسراری و ترجمان افکاری ایدی . عالی پاشادن کچه مزیدی . اوچی (عالی ، کامل فوآد پاشالر) صانکه بربرینه زنجیر کبی مربوط ایدیلر . وذات شاهانه ، عالی پاشادن متفر ایسه ده اوچنک آره سنده کی رفاقت ، عادتاً اخوت درجه سنده اولملا انلری یکدیگرندن آبرمق مشکل ایدی»
 (معروضات) ده کی عباره :

فوآد پاشا اوزمان مجرد امور دولتی اصلاح ایتک داعیه سنده اولدنی حالده
عالی پاشادن کچه مدیکی جهتله انک بوکی آمالنی نروجه کندوسنی مجبور کور یوردی .
و مجلس والا رئیسى اولان کامل پاشایی قلاً سومز ایسه ده کامل پاشا عالی پاشانک
همدی و اخشا عجیرینک رئیسى اولدیغنه مبنی عالی پاشاده اندن کچه مزیدی . بوجهتله
اوچی بربرینه زنجیر کبی مربوط ایدیلر وذات شاهانه عالی پاشادن متفر ایسه ده
اوچنک آره لرنده رفاقت برنوع اخوت راده سنده اولهرق انلری یکدیگرندن
آبرمق مشکل اولدیغندن هیئت وکلا بین الناس مقذوح اولدقلى کبی وثوق و اتماد
ملوکانه دن هخی محروم ایدیلر

— تحریفاتی عباره لرده قولای بولایلمک اینچون آلترى چیزلشدر —

— مجموعه —

دخی کیمدن امید صدق ایدرسک (نابیا) بیلیم
 صباحک بر نفیسه نصفی کاذب نصفی صادق قدر

